

覺

非

齋

文

集

覺非齋文集卷之二十六

四川按察司按察使弋陽黃澤選編

蜀府紀善吉文黎校正

箴

日省齋箴有序

省之為義大矣哉仲尼之門曾子子思孟軻氏實相傳聖人之道者也曾之三省思之戒慎恐懼孟子之求放心其所以用力於自省者三賢之論后合符節乃知賢之希聖未有不由此而至歟士希賢者乎夫入之心出入無時莫知其鄉放而不知求雖有存焉者寡矣心不存則無以檢其身亦何所不至哉君子身於是用力焉其日進乎高明也何有謝焉都尉

廣陵趙公讀書之齋扁曰日省緝紳知名之士莫不  
謂公處富貴尊榮之地而能用力於儒者治心脩身  
之事非天質之美學問之功灼見理欲之分者安能  
及此咸樂為敷經其義洋溢于篇翰既頌美之復勉  
其大成間嘗以示其乃作箴曰方寸之微善惡攸歸  
苟不自檢束知孰是而孰非鷄鳴而起為之率以舜  
而由此分如之何弗思念茲在茲以敬自持毋忘乎  
斯頌

銘

寶義堂銘

上帝降衷人具恒性動則罔愆惟義之正茫々萬殊  
其用雖同不此之宜吾誰適從盈尺之璧傾則連城

澠池棄信聲譽鼓其夜光之珠照乘則獲千里四臣  
徒重軒德乃知君子所宝惟義不宝金玉亦為斯請  
有翼其堂爰塌斯扁不攸不求惟義是踐損篋迭奏  
春風歲取正路是由其樂孔多其樂孔多醉曰益貴  
不有君子孰識其貴

守默齋銘有序

三山林君文節以守默名齋志慎言也聖  
人貴訥而惡利口盖有取於默也故予拜  
而極之為之銘曰

言為心匠在人孰無別幽抉玄張翥道經于欲守默  
子將奚居閔而歲之返乎古初然心之素跡于道腰  
予欲無言聖亦有談

止漸齋銘有引

會稽張君克安以止漸名其齋蓋取揚子  
木止于下而漸于上之義縉紳文士論著  
辨且詳矣予謂止漸之義初不外乎君子  
教人有序之道用是為銘以勗之銘曰  
古之教者學有大小自幼至長制為等殺  
灑掃應對  
小學之方脩己治人大學之綱先之近小  
若暗其基  
後之遠大實暢其支譬摧木焉封樹固密  
壤以沃壤  
滲之靈液下得所止乃漸于止數暢條達  
隨其所向  
高摩雲漢宜為棟梁下結黃實無不碩  
麗廊廟可柱  
壺豆可充止漸之效斯為極功易陳鴻漸  
傳釋知止  
教人有存異世同軌若因資地駕于利達  
孔塋彌高

那門門隱我為作銘請書座隅欲務止漸宜循是途

玄默軒銘

窅窅為體皎皎者何以窅窅為宗嗷嗷者奚庸晦其  
明弗著弗形以反乎無名忘其言弗朗弗宣以合乎  
自然故曰知白守黑造玄之宅不語自得極默之域  
是默與玄至道之原不為物先索齋肅化確有見於此  
請銘諸軒

存誠齋銘

聖之誠同乎天不存而自然常入之情遇物則遷非  
閑邪之功動則有愆仲尼之門有亞聖若淵而尚事  
西魯矧曰希之而弗勉旃獨行不覩影獨卧不覩衾  
嘗聞之昔賢願力行何如尔矣在多言

贊

虛舟之畫像贊

爲莊使直差過于激要其指歸如射中的殺之還  
或施或張考其成功差網在網用世之才濟時之器  
盡心力行不見勸瘁是豈鄉人之好惡能爲軒輊者  
表

訥齋贊

言可訥乎心因言以宣道假言以傳言不可以訥也  
言不可訥乎身由言而困事由言而積言不可以不  
訥也訥乎訥乎殆將訥其所不當言而不訥其時當  
言也夫在鄉黨則恂恂在宗廟則便便昇爲訥之漢

尚綱齋贊有引

儒之名一也有君子焉有小人焉學之名  
一也有為己焉有為人焉人孰不欲為儒  
惟學為君子儒為難士孰不知學惟學知  
為己為難耳孔子之時猶嘆其難而況  
今之人哉尚幸有以尚數名文者不可謂  
今無古之人也為之贊曰

錦衣在躬絢則襲之令德在衷晦以載之惟錦之實  
襲而弥章惟德之實晦而愈光慕於外者未或不  
尚慎旃哉無虞美此堂

壽穀先生畫像贊

剛正之氣凜乎若秋霜之肅和順之德鑄若春陽  
之煦深藏於壯齡以無可為之時高年又非



大賢之路是以不得盡用其才也遺愛在民徒懷於  
既去厯眉皓首角巾杖屨憶重臺釣游樂逍遙  
遲暮神完氣充心安體豫故當暮年之時特命  
其寢處之憲戶蓋欲使一心之靈不昧乎素  
于冠裳起人敬慕嗚呼孟軻氏所謂浩然之氣以直  
養而無害者視之先生可無溢譽

襄城伯草虫贊

右草虫雜畫一卷襄城伯李公家藏  
也暇日偶獲一觀筆意精到宜在神品因  
為之贊曰

大塊無心而動植自育者謂之天巧固於氣往則化  
美入心之灵乃攝而有之假毫穎之末以陶寫其性

情絲忽不爽且氣不能固反得而久存焉豈人之巧  
亦能勝天歟或謂筆力之工能奪造化非此類邪古  
之哲人每因觀物而知道體公於總戎之暇時時披  
閱使寶次悠然有以見兩間發育之妙與自家意思  
一徹由是以求盡物之性循而至於極功曾不外此  
豈有妄耳目之觀而已哉若夫品第後先之幾已備  
群公之論著者矣復贊云

施慶士畫像贊

肥遯丘園不過望而求優游鄉里不隨波而流以予  
則能繼志以父則能貽謀天於善人不與報酬殆將  
昌其胤嗣而俾之緝慶承休也

施文珍氏既歿其諸子登克修其家譜予

貴後予友春官貳卿吾君計經遊實錄而  
性敏君甚愛之予近得告南歸訪吾君於  
金溪之上留兩閱月貴數過從予見其貌  
恭而氣和言約而詞婉若是進而不已他  
日必大有成就吾君一日俾奉其先人之  
像來求題且曰僕嘗讚之矣子幸毋修一  
言以獎勉後進予既重吾請又喜貴之能  
亢宗也遂不辭

說

清濁動靜圖說

不二子慕老子之道謂無為天師無為天師授之圖  
題曰清濁動靜不二子持歸因揚子以求見竟非元

生覺非先生謂不二子曰子欲聞其說乎吾告子矣  
昆侖顛蒙一氣未融朴如也謂之象先象先冥冥無  
形無形清濁動靜不可得而名逮其闢也一白微啓  
顯二者明混二者激上浮而升下滯而凝上浮而升  
清而動者也天也陽也下滯而凝濁而靜者也地也  
陰也彼老子所謂天清地濁天動地靜者也此其本  
體也若夫天有常度時不可易動而靜者也日月晦  
冥風雲黝昧清而濁者也地氣發生百物蕃息靜而  
動者也水木清華河海靜默濁而清者也動靜互根  
清濁一本故又曰清者濁之源動者靜之基不二子  
曰先生之言天地之清濁動靜既聞命矣敢問之堯  
非先生曰周子曰無極之真二五之精妙合而凝者

人也是故知理也者性也宰吾氣者也氣也者形也  
宰吾性者也是故以清濁言清者性而濁者形也以  
動靜言靜者理而動者氣也合理與氣互言之也又  
曰乾道成男坤道成女彼則曰男清女濁又曰動而  
生陽靜而生陰彼則曰男動女靜分陰與陽對言之  
也人與天地參初何間然之有不二子曰然則吾道  
有同與異歟口不異者情不同者歸不二子曰何謂  
也先生曰我以主一彼以退密主一統一達于至誠  
至誠不顯而無臭無色退密無營惟以自寧混其真  
冥復返乎無名故曰不異者情我以達順彼以攝運  
達順則隨化而安獨運則自足而存惟安與存其宿  
其門故曰不同者歸是故知儒也者有為而無為者

也者也者無為而有不為者也是其異而同同而異者  
也不二于喜願謂子曰至矣哉言矣請書其說遂  
書之

更定忍卦圖說

忍卦亨初吝終吉悔亡利君子貞不利小丈夫  
曰忍剛發乎內柔制乎外小有所抑大有所益也象  
曰心上有紐刃忍君子以含容成德初一血氣方剛  
戒之在剛象曰方剛之氣忍則滅也形而為剛自求  
禍也次二小不忍則亂太謀象曰小不忍則亂大亂  
也次三一朝之忿亡其身以及其親象曰一朝之忿  
至易忍也亡身及親禍孰大也次四必有忍其乃有  
濟象曰能忍其性事大濟也次五出於陸下以成漢

功韓信以之象曰跨下之辱小辱也或鑒之功大也  
也上六張公藝九世同居書一忍字以對天子象曰  
同居之義忍克致也積而九世有常德也客有授  
予忍卦圖一卷相傳以為宋溫國文正公所撰予得  
而讀之其體本周易彖象文辭皆引經義次以漢唐  
故事其理明而切其言簡而奧其旨婉而微其為狠  
狠忿懣者之戒深切著明矣庶幾擬聖而作百世以  
俟而不惑者歟初一日必有忍其乃有濟次二曰小  
不忍則亂大謀次三曰一朝之忿亡其身以及其親  
次四曰出于矜下以成漢切韓信以之次五日張公  
藝九世同居書一忍字以對天子六曰血氣方剛  
戒之在剛公之意蓋以初爻貴乎一卦之義而終二

以戒慎之功焉。應竊維卦之義有陰陽內外剛柔之  
辨不獨尚其辭而已。蓋四應乎初五應乎二上應乎  
三卦之體也。隨時從道避凶趨吉由微至著易之用  
也。若乾之潛而至亢皆此道也。用啟斷以易之義例  
而更定其序以血氣方剛戒之在闔居于初而小不  
忍則亂太謀次之一朝之忿片其身以及其親又次  
之為內三爻而以必有忍其乃有濟居外三爻之下  
而次之以出於蹻下以成漢切終之以張公藝九世  
同居其意蓋曰知血氣之剛為可戒乃能有忍而有  
濟初應乎四也知小不忍可以致大謀故俛出蹻下  
以成大功二應乎五也知亡身及親之禍由於一朝  
之忿故上下相安以雍睦其族至於九世之遠上應



乎三也此卦爻相應之例也以內外之體用言之內  
三爻忍之用切體也外三爻忍之著效用也自不能  
戒血氣之闢以至於亡身及親不忍之過由微至著  
也凶也陰也自有忍有濟以至於親睦九族能忍之  
福由微至著也吉也陽也剛發乎內而不得其正陽  
中之陰也柔制乎外而得其道陰中之陽也如此則  
錯舉互言無有背於卦爻之義例者惟公之高資絕  
識復出一世不待有師傳授而與道融會者豈區區  
庸陋之見敢窺其涯涘哉第以不解公始作之意是  
以緣文求義不能無疑也乃敢以臆說私自論著或  
正於有道之君子或者乎慮一得願效忠焉非敢求  
異也

葵庵說

卉木於天地間無情物也無情故無爲無偏故不變  
是故蓮之出於污之不染也竹之虛也室之不塞也  
松柏不以矯揉而屈其勁芝蘭不以幽獨而歇其芳  
人則不然其潔也或污之其靈也或塞之矯之揉之  
勁或可屈也幽之獨之芳或可息也人固灵於物者  
也而反物之不如何哉蓋以其灵於物也故有情有  
情則不能無偏而不變故不若無情者之無爲無變  
也世之君子惧其有情而僞僞而變也則取諸無情  
無爲而不變者愛而玩之以自況而自勵焉尔非直  
以玩物適情留連光景而已也翰林脩撰刘君雲高  
以葵庵自號其言曰予是以是物爲可玩可愛邪蓋

以其花葉常向日而舒雖東西旋轉無時而無之日  
君象也臣子慕君之心當如葵焉是之取尔噫不亦  
君者其知為臣之道乎夫葵以卉物之微向日而傾  
出於天性初何情哉臣子慕君之心能如葵之向日  
一出於天性而不留情於顧望則偽與變何自而生  
哉君子於天下之事惟義所在盡已而不求諸人深  
君臣之間哉若刘君者信知為臣之道矣托物以名  
庵自况而自勵焉豈可與世之玩物留連者同論哉  
作葵庵說

寅賓軒說

予守饒陽居第之東偏有軒曰寅賓說之出於予  
出日之義也錢謙益題

今而牧外郡就不得朝夕見而心則不鮮忘日君象  
也乃托是以寓其愛君之誠焉有非之者曰古之聖  
人命官以明曆授時則有迎日之法周官載祀禮而  
有朝日之儀擬諸二者可乎必若說者之言錢子旦  
必盛服跂于是軒以待東方之明拜臨稽首若廷臣  
之朝見然於礼庸無遺乎況人臣事君遠近雖殊礼  
有節文苟不當為而為之非也予聞之曰二說皆是  
也然皆不足以知錢子之心錢子之心豈不曰出入  
無時莫知其鄉者人心也失其所養則夜氣之所息  
不能以勝其晝之梏亡而無所不至矣養之之要敬  
而已寅賓之時平旦之氣未與物接所謂儼若思時  
也吾於是時正冠肅容齊明盛服穆然若黜宸之在

上森然若兵衛之在列凜然若御史執法之在左右  
戰兢惕勵而不敢肆且且若是而不息不問斷則養  
之者熟矣養之者熟則此心不放不驚復入以息融  
朗光潔有若方出之日可以洞照萬類所謂清明在  
躬天君泰然者其氣象自不忤矣果有得於是焉蓋  
將無施而不可尚何名迹是非之足論哉錢子聞而  
喜曰諒乎斯言之有以得於吾心也間請書其說錢  
子唐武肅王裔孫性其名士復其字而天台其居也  
建靜遠易政尚寬平而果於行官滿去聲郡民仰之  
其父母得於是蓋不虛夫

瑞芝說

狀元尚書郎東陽蔡君安青以憂去官營二親之墓

於泉溪之上是祠堂以奉先世神主落成之日墓上  
忽產灵芝一本三秀采餘而紫榮高可尺餘其大如  
盆光瑩燁如也人皆嘆異以君能盡力於懷終追遠  
之事以厚民俗而獲此休嘉之應君謝不居陳以藏  
之家廟而敬事唯謹來京師為予道其事曰世固  
有孝感而獲昭應者若某之於斯也信有以致之歟  
抑偶然歟謂有以致之人子於墓祭之礼分肉事也  
未嘗有人所不能行若古人之為孝者何足以致之  
哉謂出於偶然歟當家廟甫成之日而茁然秀于吾  
親窀穸之上又似非偶然者豈祖宗累世所積將振  
發於斯時邪將何脩而可以承之於是而感焉懼焉  
顙有質焉子應之曰物生天地間莫不乘氣機以發

育而氣之於草木又易感而易生者是故感和氣以  
生者則為嘉祥感乖氣以生者則為妖沴雖休咎之  
徵各以類應而未嘗不本諸人事焉君子明於天人  
之道於嘉祥之臻則務德以迎其和於妖沴之萌則  
務德以弭其乖及其至也則和者必其應而乖者虛  
其應矣小人昧於此理漠然而不知省愆愆而不知  
顧故其應之必與虛也反是今天芝草之為瑞天下  
之所共知也不產於倉宮殿庭不主於閭閻歲月正  
當家廟落成之日而挺然出於二親墓上豈無其後  
哉蓋順德格于祖祢和氣暢于幽局蒸為嘉祥發  
其祥天理人事昭然甚明乃自分無以敬之天懼  
弗克承之其敬慎如此所謂務德以迎之使不虛其

應者非君而誰歟是固可以叶天地之和可以昭神明之貺可以繫祖宗之緒矣祥慶之至矣其亦休哉

### 邵生字說

邵生兄弟家錫山族大而好禮陳暉曼昱既冠質學之疎曰允昭暉曰允南曼曰允仁昱曰允熙其大父文甫翁方以彰德貳守歸老于家樂見諸孫之歲入而欲勉其進脩也以書抵其親友之在京師者曰薛君某求予說以發其義予謂陳暉曼昱皆日之光明曼則秋空也曰昭曰南曰熙皆明之義而南又明之位也仁則取仁覆閔下之說焉通謂之允者欲其信能行此也夫日與天明之至極而仁之至大者也是



而命名取義毋乃過於高遠而非其倫乎雖然人受  
天地之中以生理氣為之性形者衆人與聖人同也  
其所以異者質之昏明耳此衆人所以貴乎明也大  
學曰明德中庸曰明誠皆由教而入者是故天叙  
之典四端之善非明無以知之非仁人無以守之信  
能行之而自強不息使知之明而守之固則於取義  
於高遠者何傷乎噫聖人之教自洒掃應對可以入  
先舜之道邵生兄弟尚孝、勉焉於日用之間以務  
其小者近者而漸進於大者遠者其所明所守雖未  
至於聖賢之域將不失為善人矣

鄭環堦夫字說

古者人子二十而冠賓加之服而命之字有生戒祀

顛之辭以責其成人所以正容體奇頰色順辭令蓋  
嘉札之至重者也三代以下廢而不講然其說載諸  
禮經者尚可考而行之而縉紳大夫士之家因習成  
風不惟棄而不務反有曳笏却立而大笑者矣父兄  
不知責成之道子弟不受責成之命風俗日偷而人  
才不逮古良由於此非小失也今世士大夫猶知為  
其子命名制字以敦勉其成人俾此禮不致於遂泯  
非好古之君子歟錢塘鄭君良載舉進士為真定府  
書郎子環年十五既加冠字之曰瑤夫或予敷其說  
以勉之夫天下之珍玩奇貨可以娛悅人耳目者君  
子每戒而遠之獨於玉也行必珮焉無故不去身焉  
豈非以其姿質之美可以況德乎環璧玉也瑤玉之

美者也。以美玉為辟珎之成器也。環乎環乎。蓋顧名而思義乎。棄而勿志。取而放心。絕躁妄邪僻之思。敦孝弟忠信之行。久久成熟。出於天性。若璫璫焉。絕玷疵矣。若園璧焉。無間斷矣。溫潤而縝密。含章而不露。薦諸郊廟。注之黃流。無適而不為貴。且重也。如是則成人之道備而父兄之責副矣。詩云。碩之印印。如圭如珪。如璋。又云。追琢其章。金玉其相。其是之謂乎。環其勉乎哉。

鑑湖書舫說

客有袖卷微子言者。署其籤曰鑑湖書舫。余問之曰。子以舟載書。曰誦其中而詠于湖之上。歟。曰非也。某營市居之喧。渠之丘之靜。因屋而藏書。以游焉。息焉。

實非舟也予曰古人藏書大則以樓閣密則以厨櫃  
藏則以車舫皆直以其名而名未嘗有所托也子託  
而名之其亦有說歟客曰某以是屋也無幾仞之高  
尋丈之廣棟無飛翬而床無綵稅也廊廡不異而階  
砌不崇也進而入其中奧乎若有容焉出而眺于外  
豁然若無窮焉鑑湖支流循除而鳴磬遠秀排戶  
而入八窓洞開虛室生白天光雲影硯藻几席時或  
對案吾伊倚檻吟嘯棹歌遙聞魚鳥相狎恍若駕輕  
舟而泛滄溟行颺送帆而波濤不驚也以其物之接  
於目者有類乎舟之居因以為名非別有說也予曰  
子得其外矣予將告子以內焉造化發育之機毫釐  
手兩間者流動充滿無或少息君子体之而適存焉

是故聖人觀於川流而示人以逝者如斯夫賢不除  
庭草而告人以自家生意非接於外者有以契於內  
焉余乎今予之居既得夫湖山之勝美朝矣暮是以  
遊焉息焉而誦詩讀書使流動充滿者日與吾目  
而契於吾心久則理趣薰蒸汚濁自絕然而希之道  
不外是矣夫如是則鑑湖之波可以漸瀦洛涖泗稽  
山之秀可以仰龜蒙曲阜書之所藏者其精華醲郁  
大不在樓閣密不在厨櫃載不在舟車非屋非船而  
盡歸乎予之矣臺州府矣客問余言然也而笑中默  
而疑終乃惕以隱良久曰命之矣請筆其說客於越  
人胡姓信其名

泣麟圖說

聖人之情性備中和之極發之宜無不中節竊惟顏  
淵死夫子哭之過哀而不自知謂其親之之至也則  
天倫之親莫如父子未聞其哭顏如此之過也蓋道  
存天地而仁之在聖人仲尼後文武周公五百有餘  
歲而生又不得位以行其道思欲明其道傳之以詔  
後世而萬萬弟子未達一間者又先我而死如之何  
其弗慟也其曰天喪予天喪予非以傷回也傷其道  
之無傳也厥後魯人西狩而至仁之灵物忽路於叔  
孫氏之車焉方是時也上無明王下無方伯乱臣賊  
子接迹當世彼是物者胡為乎來哉若以其為匹夫  
子而出以斃於鉏耨之手不猶吾夫子之幾不免於  
匡宋乎是尤可悲也舉世無識之者獨吾夫子識之

反袂拭面泣涕霑襟其出不逢時所以嘆吾道之  
窮耳於是乎假魯史以修經撥亂世反之正以明百  
王之大法而經筆於獲麟之一語左氏所謂所感而  
起故所感為終者是矣而後世之論咸謂麟出為聖  
經之應此之焉出河龜出洛而圖書顯簫韶奏而鳳  
凰儀是蓋欲以神道設教不若果以為瑞應則當云  
網罟絕陷罾從容在園游泳在郊使吾夫子見之將  
欣欣然有喜色又何以泣為由是觀之則知吾夫子  
之泣麟蓋與魯顏淵同一哀痛之機也是皆發乎性  
情之正而直有過於會稽管君雍仲為蒼州府推官  
嘗得是圖於闕里好事者以示予因為著其說

四川按察司按察使黃溥選編

蜀一府紀善文藝統校正

雜著

書客言送太常少卿魏先生之官南京

蕭山魏先生仲序為考功員外郎有旨會工勅吏部求賢大臣以先生應明詔遂擢太常少卿居于南京友有知先生者過予言曰先生學遠而理顯行高而言下義不可不智不識之平哉可喻之真可隨非有道之士乎哉考功地要而關太常官清而尊今先生舍要地之劇就清官之尊可謂不違其材矣用是為先生告予應之曰客之言私先生者也予請言



其公今天下之才萃于天官稱量其重輕短長而  
用舍之考功實操其權度非在己者計功不差安能  
與此先生論事必證據古今由學之途也觀人必隨  
其器量由理之融也行高而人仰之言下而人悅之  
不矯情以制事而處無不宜不過察以求人而明無  
不燭有莫踰之卑故謙尊而益光有弗隨之和故從  
容而中節先生具是衆長操其權度以品藻天下士  
大夫而進退之靡有猶身居堂上而視堂下之人其是  
非得失審矣今乃置之高閑之地遺之以優游佚樂  
使先生無意於天下之才則亦已矣尚不忘焉吾將  
見其靡寧也以是為先生憾客曰嘻子之言知其一  
而已先生邃於學而融乎理故其理足以通乎幽明

而不忒高其行而下其言故其言可以質之鬼神而  
無愧智義不皦而有思誠之道焉卑和不踰隨得礼  
樂之教焉知是以作秩宗以典天子三禮以治人  
神而和上下人徒見其地之高閑而不知所係者甚  
重徒知其身之佚樂而不知其所裨者甚廣夫以先  
生之才行為大臣之所薦聞為天子之所簡拜固  
可鮮淺窺之哉予瞿然謝客曰鄙人知不及此願因  
客之言更以為先生賀會其同袍有徵言者曰胡不  
舉以為先生贈遂不辭

虛舟解

水鵲道人更號虛舟逢接之士操觚吐辭為發其義  
頌者致美賦者托意規者陳戒辨者騁辭搜奇抉玄

舍於姑肥不一二而足也莊谿生獨不解其旨造而  
問焉米黻道人曰托意自警尔虛舟云乎哉莊谿生  
瞿然而思呀然而悟謂米黻道人曰舟以任載利天  
下博矣然亦有危道焉或犯怒濤或撓颶風或觸勵  
石或膠涸源或浮東溟而鯨鯨張鬣自或折西峽而  
蛟龍鼓鬣自或歷閼接隘而鱣鯢齊集尾嚙鱗以抵針  
隙而爭進者不知其幾儼行陞阻者不相顧衝突排  
擊互詈而交搏傾搖摧撼漂溺而不顧若是豈不甚  
危亡哉虛舟吾知免矣泛々乎若隨波之漚飄々乎  
若浮空之雲飄々颶風遇之而莫撓厲石涸源遭之  
而不壞無人嫌無仇累而鯨鯢鱣鯢張鬣自而  
無害也無抵牾之好無爭進之私而衝突排擊詈搏

漂溺之患不能加也舟乎舟乎以其一全而危孰若  
即虛之為安也米鵬道人曰近之大清華其詞莊  
谿生曰人之有生哉慮內動物我外形苟不察焉或  
熾而蕩或矜而肆知進而不知退知榮而不知辱蠅  
營而狗苟不底于禍圖不止也苟能虛已之靈若舟  
之靈冲乎其不拘澹乎其無為險遇之而無決力是  
而莫施不求不漸而百患自弭莊子氏所謂人能虛  
已以遊世其孰能害之此之謂也米鵬道人掀髯而  
笑抵掌而歌歌曰我虛我已多老舟之靈外物振撼  
兮我虛自如吾將抱吾虛兮終吾身以無憂米鵬道  
人開邑大天也姓夏氏字其作縣十年令行而不忤  
於物是蓋能虛已以游世者也

鄧先生名字釋

湘陰鄧先生穎悟卓絕讀書為子舉誼室之書為人  
卜筮以利人之送死又因黃帝岐伯之言辨陽氣之  
病愈入疾病以濟人之枉過先生名雲崇而字為音  
峰人或不解其所以命名與字之義先生曰一氣轉  
轉乎兩間以圓萬物陰陽動靜之理耳因物理之變  
而索其情焉則吾心之全體大用不外是矣予之名  
無他焉猶是理也今天雲觸石而起油然而盛舒者  
如練爛者如錦輕若遊塵飄若揚絮真起而起為巖嶂  
岑巖漫而流為波瀾濤濤或如人或如諸物或如鳥  
獸或如殘霞飛聲林樾蒼莽或載雷電其神龍沛然  
作雨以潤澤下土變幻博震莫極名狀動也及其歛

于崖窅冥川谷間寂然不見其迹所謂動極而靜也今  
夫峯峯者摩厲其外者荷空銳者如劍戟秀者如芙蓉  
陡而崖峭而壁斫而竇幽而谷高曠而原延迤而岡  
屹然巍然幽然澗然霜露不能變其態寒暑不能易  
其情鬱鬱之清之蕩灑灑風迅霆之振撼且莫能加  
焉靜也及其發草木居禽獸而生意不息所謂靜極  
而動也然峯能出雲雲遇峯而雲益崇焉雲能成峯  
峯得雲而峯益竒焉是二物者相須以成亦化所謂  
一動一靜之為其根也予之名無他焉循是理也或  
曰先生之名之字義則精矣竊聞之名者實之章也  
君子病大名之濫其實焉先生之道不過下莖醫藥  
之伎尔而其名自謂通乎陰陽動靜之變無乃濫其

賓亭先生曰嘻予之道無他焉亦猶是理也堊書曰  
蓬者乘生氣也山靜物也乘生氣所以求其動也醫  
書曰左有病取諸右頭有病取諸足又曰濟母不足  
奪子有餘是皆求陰於陽求陽於陰之意也予於動  
物而求其靜靜物而求其動所以觀其變也變而通  
之以契吾之心行吾之道其奚不可哉世之人每好  
夸大其名或曰仁義或曰道德人朝以是呼之則應  
之夕以是呼之則應之求其所謂仁義道德云者漫  
不知何事彼之名實相去不知其幾千里也今予之  
名雲也予之字峯也予之道卜堊醫藥也同歸乎一  
陰陽動靜之理耳予何負於名哉予何負於名哉京  
兆金京聞之謂其言辯且通又重有警也作鄧先生

名學釋

翰墨林七更有序

翰墨林者本嘉謝君廷循圖書之府也君以和粹謹飭被眷遇得美名於縉紳間籍其性嗜清玩畜之頗富書目名其齋曰水家船必儋東里先生易以今名而記之予乃為作七更極其辨以進於道意少辭庸視古之作者固未免有捧心之謂要之發乎情止乎禮義庶幾不差也

覺非先生以客闌關心厭喧囂託此無聊安得絕境於焉消搖滌濯煩襟以永今朝聞嘉主人有翰墨之林曳杖千丁若履空谷足音笑談主客



出速不言心喻巧昧以目升白賓階以叙寒與主人  
曰嘻走也是林不實于地匪穹于岑無松之威非神  
之森斷維圖書錯置瑟琴焚凡萬籟上下古今文房  
百玩觸手可尋以安無躁願陳至音於是拂阮正雅  
焚沆蕤建綏宮急羽高卑以序魏之洋洋無不如意  
長清短清荷蘭飛佩五曲九引纏綿可繼先生曰美  
矣哉太古之志也然鍾期既亡伯牙絕享寧逢之耳  
未能得其端恍母勞尔為也主人曰唐虞至聖子不  
得與託物設教啓其聳聳以局必方象地之則以道  
必正神明其德有白有黑曰陰與陽互陳錯舉重疊  
其章彰危補罅糾敵審已負不可償勝不可恃兩維  
相值乃見初敵龍蛇成陣虎豹堅壁雖曰小敵者至

理焉無所用心為之亦賢先生曰君子不操勝心毋  
作戲事此孤山處士所以鄙之也顧聞其他主人曰  
善契初成鳥跡茫昧科蚪飛變乃有分懸斯遊之下  
鍾王軼出唐臨晉帖如蹈一律狂僧顛史草聖入神  
蘇黃米蔡各自絕倫真跡間存初刻咸在黠書使轉  
折旋向背明窓淨几日玩心醉誠一快也先生曰儒  
者於書固最近事然一好看亦能喪志吾未暇焉主  
人曰五色作續摩自姚姒後世因之畫事由始晉唐  
以降好尚迭起顧吳荆關董郭王李入神造妙區別  
品第耽嗜成癖千金莫以芳播清流貴動丹青適情  
游藝動合玄理宣和摹錄寶鑑有吏似不可小也先  
生日君子富貴於物而不可留意於物此先賢所以

恐其泥也敢請大之主人曰陶爲性灵妙在得句物  
情人境動今天趣模擬之精推敲之至晝或忘吟宵  
恒失寢窮極邪工思苦愈異神驚鬼泣造物所忌我  
思古人高不可企先生曰風雅遼闊正庄微茫競趨  
靡麗大樸丹亡安得警策以反渾龐主人曰經緯天  
地輻輳後先用血成再體隨世遷秦漢雄深齊梁駢  
散韓公倡唐衰弊特起歐蘇魯王鳴宋之盛及今頽  
之矩矱由正今之傳若秀出如雲昭回河漢炳耀星  
辰鈞天合奏鸞鳳和鳴山輝玉蘊淵媚珠呈走將漱  
其芳潤咀其華英豁襟千茲林之下不知歲月之虛  
盈也若是如何先生曰近之矣而猶未也文以載道  
匪惟辭工上師聖人吾將子從主人無怨曰命之美

聖人之言世謂之經囊括宇宙含融生民不暇細論  
爰陳其名易備陰陽造化以明書三政事治功乃成  
感發懲創詩本性情無序不和禮樂由興春秋撥亂  
正法權衡應庸論孟規矩準繩猶如封粟布泉之細  
一息不繼民不得生浮文勝質矣利依行走將膏吾  
車於吾馬由伊洛以邇洙泗而履吾夫子之庭不知  
其不可也先生離席而立降階頻首請先群經旁藝  
居授以翰墨林為道淵藪

安有生

安有生之陸遇仙人遺一藥物如彈丸囑曰用是東  
海可涸安有生持歸曳以長絲投之南海之窟頃之  
海波如沸怒濤噴薄直五千仞別谷震盪雲霧蒼蒼

魚鱗皎潔跳踉叫吼若無所容者熟視有二甲子拜  
于前曰平神不穀受命司南海講是百灵多祥之  
用招大戾明公每以養之群動是念望垂恩相  
犀珠之奉海錯之供惟明公是需毋敢後者安有生  
曰聞具宮有艷姝能界我當追尔薛子金則若屬皆  
死於沙泥也言訖抽絲出染海水謐然如故使者復  
入白其主良久天風冷然聞絲竹之音瑞光閃閃起  
波面俄有侍婢數十擁一女子以出鵝衣黃裳及髮  
綰綠光麗灼人歛衽之前告曰妾南海君次也家君  
蒙再造之仁非他可能報謹遣妾侍申禱於然妻焉  
妾有生太喜遂與俱歸居數日文曰妾所居清碧石  
虛之府服食器玩皆人間所無有復歸屬國日之前

以要其餘則極耳目口鼻之奉可得也安有生初頗  
難之文曰結身於君為夫婦忍復給君也安有生欣  
然以藥授之文戒曰尔第俟五息自往安有生遵海  
濱延頸久之不至日且晡歸益疲而望之益切復  
大呼曰盍歸乎盍歸吾來吾待子久矣吾與子情  
好方密子忍言棄耶過客聞之咲且罵曰狂生之騷  
一至於此以勢要人而欲以誠望於人天下寧有是  
耶安有生始悟悵然而歸

### 幻子

粵南之墟有薄天焉曰幻子善以計賺人又客江淮  
間不得施其技落甕無聊賴一日適市見老嫗無持  
丐者途幻子趨前伏地大慟曰天平天平我何罪而

使我至於此極耶姬驚問故幻子曰母為父所食歷  
海內求之有年矣不圖今日得見於此豈非天乎姬  
心知其非已子也然亦自幸其得所遂隨之以往館  
於富室之邸貝者羞問起居極愛敬之道館人視之  
謂其純孝人也款遇良厚居無何謂館人曰家君在  
於秦予奉母往省從者甚都為風濤所阻未能即抵  
此欲往迎之乞善視老母明當有以重報也因貨百  
金為道里費館人謂其宦家子也候其艱於涉歷出  
所乘駿馬載以行逾旬不返館人詰其母母曰向行  
乞於市邂逅於此不知其為何人也館人始大駭通  
歷淮甸問物色之竟莫知其所之為說者曰其笑幻  
子之詐也其致飾於外若可信者孰料其譎怪乃若

是世之觀人者苟不夷考其行而欲以一事去取幾  
何不為富室之受歟也哉

三香神遇錄

水國之南有孤島焉其高摩雲凌絕頂可以望三神  
之山粵谷居其陽卷阿迤之恆石林立飛瀑遙注  
壑泠泠若奏琤琅而韻神絃也羅浮君與凌波仙子  
於是焉遇羅浮君縞衣龍收明瑩脩潔儵然不與塵  
垢雜凌波仙子霞衣玉雪壓羈始好眇睇生輝不可  
狎玩姬侍各數十百人簪珠珥曳紵縠婢嬈綽約紛  
沓而不亂植立而有序皆紉蕙匪裴蘭蕙芳香襲人  
久而不散手姿韻度舉非塵世御烟火食者蓋天  
云適落伽居士禪于谷中丹頰綠瞳炯炯射日草衣



纓垂曝背而笑二仙異其狀降接之居士直前大  
声曰二姊忘我乎我季子之昔有宋熙豐間豫章太  
史嘗館我三人于東園築堂而居之概以文礎異以  
雕榭朝飫膏腴夕醉玄液蘇集觴詠未嘗不俱生意  
盖津津焉一夕群陰剥盡孤陽始萌太史公顧而咲  
曰二三子善消息天地盈虛之理而和暢其性情有  
君子之道焉固非同根生也而氣脉相親似吾為汝盟  
主盍結為兄弟歟永好也乃字羅浮君為伯姬凌波  
君為叔姬予以生時差後謂之季子他日荆国文公  
聞之喜將寵之以詩詰予名予以小字對公鄙之遂  
佖弗予亡何太史公沒三人各散歸族屬予後往南  
海禮補陀大士得最上三昧居小白花山今四百年

矣每念予兄弟以草木之賤一經大君子品藻遂得  
美名於詞林而不與草木同腐思莫大焉太史公不  
可作矣其時不磨山會上結并世緣固所願也不圖  
今日與二妹良會殆天假之豈偶然哉二姬初聞其語  
愕然而詫良久惺然若悟已而釋然而慍乃吸琉璃  
以為漿食朝饌以為餌酌以天露脩以石髓持以  
黃後藥夢命記之焉噫二焉若甚適也夜將半不  
寐寒窗月落時月墜波崖露墜石鎔寒氣長姬  
將命焉口占一絕  
玉月落矣霜不可  
瀛洲花開無復多  
羅裙步塵起步開  
佩辜負君王八斗才  
如居士  
日暮  
天也

素無能詩名二詩學意不可康康當強顏醜二姬  
因促之居士細吟曰下見偏多手足指只因舊作第  
和兄春風歲二如相識不負當年太史名二姬傾鬟  
微笑首肯月夕春風歲二如相識不負當年太史名二  
集遂冬歲去莫知雨之唯谷中花氣芳馥夢月不散  
八因名其地為二香泉云 贊曰三香后因莊後車  
得名而二姬之手度清高意藉季子立其倫義舉  
蓋以一時之與漫亦附之而後世遂因之耳今觀季  
子之此會倦以錄重者如此而二姬獨無言蓋不  
屑也若季子者可謂不計本矣

### 趙玉華

趙凝玉君之女曰玉華姿容麗質其性習文事凝玉君

甚鍾愛之常曰必以恕不子玉華自負其才貌之  
不群也見妯娌中群姐姊有適人者玉華輒訾且誦  
曰為女子負青年當容與綵窓以剪製不縫紉自娛豈  
暇匍匐從人執箕箒巾袖服役於遠近迨臨問耶年  
幾二十姻婭中有以婚議為請者玉華白其父曰予  
年既未艾余資裝尚未豐也余於事人之道未知且  
未能也余焉用適人為顧為阻之議遂寢越數歲諸  
者一再至玉華聞之顰面垢服不食數日其父母俱  
而不敢嫁也年幾四十忽病肘膝聯拳數月家人  
視之睜目不能言病革但曰我負我我遂絕君  
子曰天之生人也美質豈易得良才不常有也余幸  
有之而自棄殆可悲矣使玉華遵父母之命則

之道以成其室家又豈若是哉世有負其才器而不  
屈下於人以求力學致用至老死而後悔與王華相  
去曾幾何哉噫學者聞王華之事亦可以少懲矣  
覺非齋文集卷之二十七

覺非齋文集卷之二十八

四川按察司按察使弋陽

蜀府紀善吉文

題跋

書扁舟逸興圖詩卷後

古今所言興者一時意之所趣自適而樂焉者皆是也興而謂之逸則浩蕩空闊遠視無際又樂之甚者然於舟而尤得焉余嘗由錢塘道吳會經太湖出京口泛大江而朝于京師者累矣每雲開日舒風波不興萬頃一碧東望滄海浩淼無際頓瞻都邑壯麗雄傑其或清夜月明海宇無滓天光水影下涵上映群動冥寂萬籟不起或引清酌倚蓬窓吟謫仙鏡湖之

詩歌蘇子赤壁之賦節以鼓瑟和以洞簫飄々焉不  
知身在塵世始信古人之逸興殆非虛語矣會稽王  
君彥滋持扁舟逸興圖詩卷徵予言披而視之予師  
雲旒先生為叙其首柬而繫之以歌其言以抗世紛  
為可羞樂天和為可貴蓋先生之清風高致尚友古  
人一言許可重於璫璵王君之賢予不待別有所徵  
矣然君以方富之年抱偉器而不售乃自晦於商賈  
不知扁舟湖海間其逸興與余向所得而樂者同歟  
否耶予與王君同生 聖明之朝而予以樗散之材  
叨位苟祿所謂扁舟逸興之樂蓋暫得於一時而終  
不敢忘敬慎之意視王君之樂又不敢同日語也君  
以為何如

文華殿蘭亭跋尾

石華帖世傳初稿精妙入神後復展書終不得如  
意隋唐間其本為僧辭材所有太宗命蕭瑀購得  
之遂令歐虞褚薛諸巨臨摹以傳至以真蹟入昭陵  
世不復見歷歲滋久繙刻既多往往漸至失真今  
文華殿所藏遂良臨本觀其毫端蘊藉丰神散溢如  
仙人羽客翩然蹇蹇軼出於風塵埃壘之外殆不可  
以尋常模擬其一二仰惟東宮殿下機務之餘元  
加珍重命勅貞珉以垂不朽視向之閱而指私者固  
心焉不侔矣既成賜臣等觀啟拜手稽首謹言

跋天台董氏族譜



泗州守天合童君尚弘出其家乘示予且徵予識之  
其始遷祖太常府君以唐末特闕自睦徙天台正  
傳居黃岩上澳譜始作於一世孫良英再脩於十二  
世孫彞又再脩於十五世孫鶴今距君又若干世矣  
大率其例有二一曰圖譜合族為一圖迄五世又分  
為宗圖各疏其行業顯晦其次曰內外譜凡姻戚之  
家事蹟顯著者亦附見之又其次曰事譜載先世  
蹟善行可為後世法者又其次曰文譜則自唐以來  
奉勅脩譜表狀及先世遺文又其次曰墓譜凡先世  
之丘墓皆具載焉一展玩間歷々可尋首緒而末  
緒童氏亦可謂善於繼志者矣噫是中國得姓之後  
莫非先世衣纓之胄但其子孫不知學遂至中落歟

替而忘其祖者多矣使人皆如童氏譜牒其有不  
明者哉童氏之譜輯於三人之手今尚弘之賢子孫  
又繼之將見斯譜永永而不墜也嘆羨之餘用書此  
于弓末

題施氏家乘

施氏自施伯為魯謀臣魯侯用之其行事雖不見於  
傳然其潛德隱行垂裕子孫以保宗國者蓋焉而不  
忘當孔子時垂二百年矣陽虎勸齊侯取魯鮑文子  
言於齊侯曰臣嘗為隸於施氏矣上下猶和能事大  
國而無天災若何取之齊侯聽其言而止君子是以  
知施氏之有益於其國也雖臣隸猶能知德而辭人  
之紛考之他書常事孔子雖仕漢馬仕唐皆以經術

為儒林長者陽嘉中延為太尉孫瑤始自靳從吳曰  
然曰績比且有功勞自見於世績若千世又自雲川從  
信之玉山其族益大曰師黜者字聖與生有異質十  
歲能誦六經十二能文仕至資政殿大學士簽書樞  
密院事卒謚正憲封上饒郡開國公公策四子樞承  
事郎監福州福清縣海口鎮据于洵儒林郎温州永  
嘉縣丞因家焉洵之孫興行七二又自永嘉徙衢之  
開化專於生理興生子礼行仲五仲五生三子長是  
行辛一字誠甫才行過人仕元衢州路大使次辛二  
辛三辛三生德潤德潤生均遂皆尚隱德舊有譜經  
元末兵燹不存均遂之仲子文珍懼久而不知世系  
所出乃倣太史公黃庭堅譜例自仲五以下編次為

圖諸子跡其張于首簡云

書道鄉先生傳後

宋承唐末五季大亂之後適當否泰相因之際  
五岳之氣復完然其賢者相繼在位執政大  
公輔王佐之出陳善設非以天下為已任者不  
則又真瀛洛諸儒倡明道學以續孔子孟軻自  
載不傳之緒二百年間教化休美風俗淳厚所  
培養人材作樂士氣豈一朝夕其間君子小人  
不能盡同然則公道彰明庶恥植立端人正士  
侃侃  
不回貶逐竄斥匪辱斯榮矣道鄉鄒先生以方正  
論事在哲宗朝其地逆鱗中忌諱常情有所不  
堪先  
王方抗顏  
論者不顧忌雖間  
闕嶺表老而不悔

正之氣畧無挫衄非見道分明踐履經熟而可  
言矣貌為之哉先生家居毗陵子孫千殺世至于今  
其盛仕而顯嘗代有其人若干世孫某今為常山簿  
其從昆弟某令江陽曰若無名信我仁者之有後也  
主簿君暇日別錄先生用之本傳將附家乘徵予識  
之嗚呼真儒當世道學復明人才得其所養此宋之  
治所以希三代之優于漢唐者亦豈無其故哉

跋微露清芬卷後

刑部郎中會稽王君履善集本朝縉紳翰墨全集錄  
真草為一卷題曰微露清芬蓋以其芳潤穠郁為可  
愛玩也嘗憶歐樂初詔徵四方善書者居禁中書出  
縱府法書俾洗習之內監供筆札大司馬鈔豐稜如

得仲之策足鍾王北肩米蔡近代不足多也時先輩  
在館閣者有若廬陵之陳奇浮丘之飄灑損闕之後  
逸雲間之端麗又皆傑然者也予時備員僚案與諸  
公游處稍厚每過從之暇手和筆調任意揮灑動輒  
數千言既罷漫置笈笥中隨為人持去常時以得之  
不難畧不經意今欲求片紙隻字不可復得始悔得  
無及自後每思欲遍求時賢墨妙集成一帙當室藏  
之以示子孫而竟因循未就觀君此卷缺然手懷若  
因之激起危情而遂成之則君之賜也

跋陸先生詩稿

右古今詩若干首雲間尚訥陸先生手藁也先生只  
中望族洪武間以碩學高行舉于鄉再令嚴邑所至

軒有應政至今人猶思之觀其詩渾涵流麗若楚客  
乎少陵之矩矱而雄奇環卓又可以躡踪韓吏部意  
其在當時吳中諸詩豪間殆亦勑敵邪其詠松有曰  
棟社大樹熊蔽牛自矜多壽枝相掇天生奇才貴有  
用豈自是死窮山陬可以見其胸中素所抱負題二  
喬圖有曰無非無儀婦人職君臣玩色非良謨平生  
願題美人畫何處別有曹娥高可以見其得夫情性  
之正而又不忘乎規戒更其字畫高古清勁無一點  
塵俗氣即此詞翰寧不想見之人乎余是未可與世  
之纖妍流靡瑣碎俳偶者一日語也先生之嗣 衛  
君應麟領行間持以示予請曰先君子平日所製多  
不與世俗時失於次錄追恨無及幸而僅存手澤將

傳示子孫俾無忘先志願有識也予謂子以不獲存  
先君全集固若可恨然知味者深指於一息庸在否  
乎遂志而歸之顧行長於詩詩更擅張長哭感真上  
人草聖繼絕學不辭善世其家學者也

教呂通奉致仕勅後

龍丘呂縉持其六世祖宋通奉大夫集賢殿脩撰致  
仕勅命一通示余蓋開慶元年四月十日所頒勅尾  
署右丞相大金接大全是歲十月罷而似道相此勅  
在四月十日似通時方為安撫使視師江上至十月  
始代大全也有所謂都事翁應龍者即咸淳年間賜  
第居西湖葛嶺時與門客宴燕中表裏用事者是也  
嗚呼縉陵在位日又至室祐開慶間璫之月屬奸權



用事內外賄蔽九五屯膏之秋也公於此時蓋知其不可為毅然引退以自遠於膠庠豈易所謂知進退存亡而不失其正者歟向使當時不見然而作有為為群奸所擯而至於禍敗幾希矣然則公之賢過人遠矣是以餘慶及其子孫至數百年之久而簪纓與在恩澤如新豈不有足尚哉縉字文紳敏而好學嚮用方始呂氏之世澤殆未艾也

書江氏筆莊卷後

開江氏五代時有為一越州刺史者曰景房當宋太宗朝武肅王納土景房實奉版圖歸宋時吳越地既賦重田畝米三斗景房慨然曰使此籍歸朝廷東南之民瘁矣乃沈其籍于河諸官自効坐是落職

沁水尉歸老于家迄宋世子孫由科第至顯官者七  
十餘人由他科進者不在是數焉侍御祖墓在開化  
縣北鍾山之陽至今松檟鬱然于孫居於旁者數十  
家小山先生學優而行篤為士林之望其孫玠字孔  
璋方為文學官仕魯雖然嘗構屋以藏先世遺書墨  
蹟名之曰筆莊采京師詞林縉紳有為文以記之者  
孔璋以示予予謂莊者墟落中植物藏聚處也若晉  
公之午橋李黃皇之平泉韓平原之南園尉之類非  
一也而子之莊藏聚先世手澤而以筆為名其志固  
不同矣雖然古有名言積金以遺子孫未必能守積  
書以遺子孫未必能讀惟多積陰德於冥冥之中而  
子孫受之若子之先世侍御公之所為者是矣使其

慕一時之富貴置義田宅若午橋平泉南園者今安  
在哉以此易彼得失何如耶子今居是莊讀祖父書  
當念前人之德以日新好善之心使若墟落中植物  
樹之培之又從而滋灌之俾膏澤不竭而所獲悠久  
則子之莊視彼一時之富貴若風煙過眼者不同矣  
子其勉之

書思軒山房卷後

廬陵曾先生宜勉侯選來京師與數石首瀕行示余  
詩又一卷題曰翠雲山房前故翰林學士解公紹紳  
為序而軒王先生達善浮丘鄭先生孟宣諸君賦詩  
卷後草書四帖其一胡文穆公光大書其一大理丞  
府本孝思書又二帖則亦解公與浮丘等也歟公在

永樂初受知長陵從容禁掖文章字畫之妙冠絕一時有不待言者僕時忝官翰林獲與游從稍稔嘗憶先生以萬載校官考績來南不獲一再胥會別去歲三十年復覩神采令人矍然以喜及見諸公翰墨慨尤京之不作又不能不為之感愴也先生江右大族代緝文獻與高麗舊宅一區歷三百餘年尚無恙所詔翠雲山房者宅傍別館也竹樹雲泉之勝前輩所賦詳矣奚庸續貂

跋李忠文公遺墨

元至正末余忠宣公闕守安慶李忠文公黼守江州俱以死節著一公以廣甲發身首冠多士卒能終身成仁以不負所學其事偉矣余公有集行于世後人

讀之而尊慕者衆獨李公之文世不多見忽觀其手  
澤令人望之如景星慶雲室之如珊瑚玉樹豈直以  
其辭翰之美哉蓋邵伯之甘棠也蔣君賢父子珍藏  
既久而又表襮於館閣諸賢蓋欲傳之子孫以忠義  
為訓其視富貴之家捐千金購法書名畫以供玩好  
者志尚何如哉

跋宋高宗手詔

大理少卿會稽呂公家藏宋高宗親書手詔一通蓋  
起其上世忠穆公順浩都督湖南八州軍事時書也  
呂公謂予曰吾家室藏先世所得宸翰迄今且十世  
洪武間宦江右書帙散逸因而失之夢寐不忘者二  
十載今吏部郎中盱江鄭君購得之民間以昇升乃

賜以緇素表以蜀錦韜以丹纁名公薦紳各有題識  
將以傳之于孫惟思陵翰墨妙絕當世今人見其石  
刻尚知空愛況先世所得真跡室之當何如耶世今  
有癖耽玩好者見入古書必盡輒起觀觀或以計取  
或力勢奪必欲得之不計其之可否者往往有之鄭  
君於此必求其子孫而歸之使不失先公之宗器而  
傳家之文獻足徵忠厚之心過人遠矣故獨表而出  
之若夫忠穆公匡國事業與當時用事者之是非  
則有縉紳大手筆論贊人何敢復贅

題鄭完齋墓後

右翰林侍讀學士泰和王公行儉所譔錢塘鄭先生  
墓銘一通其子屋持以示予求識按鄭氏始家于汴

宋思陵南渡危幾居幾世以孝謹行義聞于州郡  
中世又假醫術以弘其濟利於道大顯居善藥以拯  
人危國未嘗必其報與否遠近無弗德之先生種學  
績文制行甚高以親老不肯仕暇日輒與賢士大夫  
觴談於林泉間以自適泊然不以世情關於聽履晚  
年更號曰空齋示將敬其身以不辱其親全而歸之其  
所以繼志貽謀者去庸衆人遠矣堂宇良載以明經  
舉進士粹然而溫蔚然而文粹累世所積至於其躬  
而發之者斯需然矣乎

跋東坡遺墨後

右東坡謫惠州時有兵僧為其子致家書貶所公因  
書陶淵明歸去來辭以遺之按公在惠州有和陶詩

一焦山谷有詩云彭澤千載人東坡百世師出處雖  
不同氣味乃相似夫以奮煙瘴雨之鄉人不能堪而  
公曾不以纖芥自外至者累其灵臺丹府六上寄興  
高人遊戲翰墨非所謂無入而不自得者歟今觀是書  
雖結不甚經意而其韻度飄洒如仙人馭風埃壺盡  
咳體裁險勁如崖崖萬仞不可仰觀鋒鋷斂蓄如琮  
璫卑陳不見光輝皎轉圓熟如斷輪削鼻得手應心  
至其古拙處有不可學者直如鼎彝漫滅而石鼓間  
存也噫是豈可與世之經生墨客取妍趨好者同日  
語也此卷今藏於武進今番陽蔡君天錫而公於疏  
尾適舉其先世故事蓋得其人歸之歟若不偶然有  
蔡君尚永宝之嗚呼因公之手墨以想見公之儀刑



字不令人興起於千載之下者乎

跋趙松雪書姜白石書譜後

右姜充章續書譜一卷趙魏公用繭紙作行草書今  
為湖峯張氏家藏王輝以示予徵題觀其用筆雖在素  
經意而其轉折向背從容合度正所謂得之於心而應  
之於手者予每於湖東正故家往往多見公之墨蹟  
蓋當時鄉里所求無弗得者竊意公於此事精妙入  
神亦深為之嘗聞故老言每當風日妍美心神和暢  
或游泳於池亭園間雖青衿童子蒼頭小奴皆聚  
為之書持適市便獲重購或見仲穆來輒笑而箴之  
且誡勿令三官人知將詒黃汝噫觀於此可見公之  
胸次悠然如光風霽月流動充滿略無滯礙視俗所

詠歸之氣象何以異哉世乃以公之大德為小藝所  
掩其然乎

跋少傅楊公萬本圖卷

善報於人心無所為而為之誠也求知於人則偽期  
報於天則感名之曰為善而涉於偽且惑焉斯不善  
矣是故有請為而為善惟恐人不知而天不報也求  
之不得而不怨尤者少矣無所為而為善將有所感  
而自至者矣予觀於少傅公萬本之圖而重有所感  
也當公之大父假種樹以活人之死命至於千萬正  
欲避其名耳初未嘗求知於人而人卒知之逮其山  
之材也戒于孫毋自利以利人亦其善念之發於心  
者如此又何嘗必其子孫之食報而天卒報之天與

人不約而同是果可以求而得之哉矧必俾公以長  
材碩德係天下之望者幾四十年綸綍由於幹運而  
利澤隨之海內蒙其惠不小矣惟不求人之知而知  
之者自是衆不期天之報而報之者日益豐必傳公可  
謂善繩其武有矣後之賢子孫因是圖以服公之明  
訓用無忘前人之所積凡於善之無所為者務力為  
之曰率之焉弗懈則於不待求之而自至者庸有既乎

書楊允實庭訓詩後

先賢嘗論君子之不教子懼其傷恩愚謂此語特以  
警世之不賢子子賢固無害於教也昔呂正獻公甚  
愛榮公而訓之至嚴韓忠憲公甚愛原公兄弟至不  
免於詬杖二公之為父豈少恩哉愛之篤故教之至

也。歷後幾公與原公兄弟卒為一代名臣。子孫愈出而愈奇。孤父而孤盛。孰謂後嗣之賢不由於家庭之訓哉。虔安楊恭先寃今少傅工部尚書兼謹身殿大學士勉仁公之冢嗣也。雖齡知讓既冠好禮孝友雅飭粹然而文然以公命有承家主器之重不得晨夕侍左右。前年來省而歸也。公作古詩一篇送之首言其幼失母學之往來南北之艱中則叙其曾令離之情末乃教以立身行己之大誨。複剴切讀之令人感動。允覺既倦之服膺。復以是詩裝潢成帙而朝夕誦習焉。父行之專儒林之秀咸謂少傅公至教而允實善承教重為敷釋其義以頌美而敦勉之者無所不至。允寃奉以示予。惟少傅公歷事群聖位至

三孤功業闡望既不在呂韓二公之下而倚重過之  
然而深戒盛滿故允寬年登強仕抱有用之才而不  
肯輕就一命其自待固不同於庸衆人矣異日為榮  
公為原公兄弟夫何忝乎哉雖然余觀於萬不圖抑  
又知公先世之所鍾者厚矣范文正公有云自祖宗  
來積德百餘年而始發於吾得至太官故於義莊之  
設表舟之惠雖出於公之志亦以堯夫之為子也是  
又允寬所當具行者矣

跋宋高宗宸翰

右思陵御書韓昌黎四景詩二十字大可二尺許墨  
色光潤如漆紙雖黝昧而堅厚完好蓋闕紙也末題  
景古殿書四字御押上用御書之堂而不識歲月蓋

不可攷嘗憶永樂中忝官翰林日侍 仁宗皇帝

書 文華殿時東宮所蓄法書甚富每得沈既於思

陵真蹟尤多有臨晉唐人小楷御書孝經賜名臣手

鈔及于數本筆意皆含蓄渾厚絕不類宋人書至宣

用工於晉唐人筆法故其形體使轉敘藏而不露視

蘇黃米蔡諸公復然不同至於盈尺之字固未嘗多

見也今觀此二十字信筆而成毫不經意然其工夫

精熟如巧匠斲輪得不傳之妙於心手之間與之俱

化而不自知也夏官尚書郎淳安項君應昌購得而

珍藏之襲以文綺加之池潢間以示榮輝識其左方

意古之帝王當四海承平之日恭己無為其後開

而間游心於翰墨之事以娛悅性其之稱聘田獵

湛溺王臣彼斯固愈矣然宋當建炎興之際中興  
沉痛心疾首而於流離顛沛之際猶務以苟非喻  
之深好之篤有甚不可以此而易彼者不如此然  
則帝王之所務豈無緩急輕重之倫哉嗚呼此誠之  
覓者所以不能無感也

### 祭文

#### 先妣祥祭文

曰嗚呼吾母年甫及笄適我先君遭元季兵燹家用  
匱乏吾祖謝世先君終弱冠吾母服勞奉養執湯  
爨助先君買田築室育我兄弟年十五六即遠出  
從師就學不能朝夕在膝下每晨一舉歸喜動顏色輕  
復別去則不忍舍涕泣瞻望竟日不樂如此者累年

洪武癸酉長兄早世吾母痛悼我不能生夫何寔又  
為邑庠弟子名藉在官不得自由每念及此中心戚  
然及宦游京師相去逾遠顧戀憂傷之懷言不能盡  
丁亥之歲昊天降割先君見背時幼弟赫亦在病  
師惟吾母孑然獨處凡所以奉湯藥理喪事吾母皆  
執其勞及寔棄官來歸已及卒哭迎門一見哀慰交  
集裹斬未除奪情入覲使路催迫上道拜辭堂上  
悲不能言在歲之冬承恩歸葬克終情事奉迎就  
養以耐素心舟行二千里幸而無虞及抵京師親到  
胥夢歲謂寔是交奉母情事兩盡甫及一載雖無三  
牲五鼎之奉而朝夕承顏接綈心亦甚慊豈料一朝  
天降酷罰禍延吾母致於大疾維時一婦二子俱抱



病危如累卵衣衾神錄取具臨時哀臨辨踊不能盡  
礼千里歸鞠頓撼震驚神永不寧是皆寔不孝之極  
上通于天下愧於人中痛於心終天之恨冒其有前  
年之冬已奉柩合葬先君之墓日月不居倏逾祥禫心  
雖無窮分則有限數以是月甲子之吉用撤灵座奉主  
祔于祠堂敢以潔牲柔毛剛鬣粢盛鼎用脩祥事  
嗚呼痛哉吾母為金氏婦五十餘年孝於舅姑順於  
夫子睦於宗黨慈於卑幼惠於僕妾無一事有愧於  
人第以寔不孝不肖未能終揚潛德尚思朝夕脩省  
敬慎遺躅以求光昭於萬一嗚呼哀哉凡庭尚在庶  
朝夕瞻望遺像恍如生存今則日遠日疎音容已矣  
言有盡而情無窮故不克其言之長也伏惟 尚享

祭莊植文代諸範作

嗚呼吾子以長年入學與余莊希文二人者同舍螢  
窓雪案討論切瑳寤寐食息未嘗相舍至於日用服  
食之費有無共之不識貧富離縮如此者十有三年吾  
子折節自下疾言遽色日不少見頽面每從賓相謂  
曰朋友固天倫之一而世之骨肉同氣友不相好以  
予三人觀之若古人所謂金石膠漆庶幾進之矣  
有始終毋斂於利害之私則善矣嗚呼孰謂吾友遽  
舍我而先逝耶去秋同較藝鄉闈余以疾不能入場  
屋而子亦不利有司及歸余以年次膺貢子方踴躍  
舊業決勝後科尋以尊君有行役之勞憂憶成疾後  
余予謫雖在近後會未期猶且力疾相予行色三月

十五日忽得說言驚悸還家舊疾增劇予謂子之居僻遠城邑卒不能致醫藥故令嫩廩匍匐往返專以致醫饋藥為務屈指平復以期會面豈料勿藥之報未至而長往之訃先聞驚驚愕恍惚疑在夢寐及走子之門見子之面呼之不聞扣之不應冥然如槁木始信其果然矣吾子果舍我而長往矣嗚呼痛哉予蚤失二親每歲守立內外之托惟我良友今復何賴焉朋友聚散固不可常然在仕途終有時而合若吾子者再無可見之期矣慨想手儀娟娟在目恍憶言論泠泠在耳此懷此心何日忘之兆域既卜茲且有期敬致石塋一具用相寃夢更求名筆論著落行誼諸公門之石用昭幽光今當遠行特以牲醴敬奠焉

知也耶其不知也耶

祭王法師文

惟師洞覽無始默契玄宗俯應世之迹成濟利之功  
朗宣靈文振駭祖風弗泥于有弗滯于空保合至和  
底于冲融顧谷神之不死識玄牝之唯雄尔乃蟬蛻  
汚濁凝脫塵埃空三山之杳冥揖群仙而景從先導  
瑯玕後驂靈童執錄把酒躋于上宮隨光景以翕張  
秘道遙以從容某久叨瞻愛年忘飲哀攀仙旆而莫  
即私懷鬱以忡忡情願以同國哀無窮仰玉霄之高  
爽馭飛霞以來降吐幽寧

祭程仕達文

曰朋友之道係于五常敦信宗義實天之教得風

滴此道不臧利就則趨勢去即揚回結心遠雖有若  
亡嗟嗟吾兄友道素高不為利遷不以勢移種族主  
申我遊泮池與君昆弟夙號相知君寓龍河間歲末  
歸義歡未久又復睽離主中之秋計偕京師離舟河  
下先扣君扉風前握手喜極欲顛君言慰勞若春之  
暄既而承恩待罪詞恒僞迹公館旅懷棲然君每  
相邀信宿留連青燈夜榻談笑忘眠二載之冬我嬰  
危疾真元耗虛炎邪滯滯家人環視欲拯無術弱妻  
幼子危懼栗栗君來視予授以藥物診鑒再三惟恐  
差失乍溫乍涼既周且密城門路遙朝入暮出載月  
披屋肯念勞逸匪君之功死生難必交情至此視昔  
倍增雖有兄弟不如友生再造之德心刊骨竅此後

赤克值君遐征長安道上送君啓行屬君早還慰我  
私情誰云此別遽隔杳冥嗚呼痛哉我病顛危賴君  
調護立意君已留不一顧感念疇昔書成靈負銅柱  
之南壽氛如霧君莫久居安以即路願遂神飛返于  
鄉故華堂翼翼几筵在中我來拜君載瞻遺容清醑  
三酌豆觴既崇臨文寫哀涕泗橫縱尚事

為劉得倫祭外舅江公文

江氏之先陰德在民汪洋弘深昇平後文自侍御公  
更數十世詩禮之澤迄今弗替有宋盛時朝著顯顯  
朱衣象笏後先雍容元氏有國雋拔愈博三江並立  
亦為停錨時桂籍聯翩文光相射至今後生藉賴於  
公之聲從玉樹芝蘭揚其香結其頌之謝纓綬

寄情三山閒雲野水於焉盤桓中男承寵佐郡時  
斷有節有守有言輝如長男克家少妻孝愛康有餘  
粟尊有美酒齒登耄期世固稀有耳筆集以家期  
舊群幼敬事服勞奔走公坐高堂以介眉壽垂觴甫  
輟微疾斯違云胡全歸一往不復復以小子仰荷先  
德幼齡環、未有知識邂逅登堂獲拜顏色雀屏好  
言公實自擇如蔓斯植如鸞斯翼恩喻二紀無間景  
昔夏秋之交王事行役便道拜公公在柩席饌膳  
優厚誨言周密丁寧道途善慎眠食孰料旋歸幽明  
已隔日月居諸卒哭召止危疾在躬憊不能起孝女  
外孫哀薦灵几懸想音容痛摧心膂公如有知來歷  
於此尚事

祭姚太常文

維正德三年歲在戊午夏五月甲申朔越十有八日  
辛丑序知衛府左長史金寔謹以庶羞清酌之儀致  
祭于先友太常太卿姚公之柩曰嗚呼公之為人  
簡而不傲直而能容高視一世如孤鶴之在雲霄而  
喧噪百鳥無非下風公之入官由高科掌外制遷榮  
宮僚陟典三祀如長松百尺高不自蒼而企望之  
者惟昔與蓬瓊琚玉珮叩叩顯垂四十年善始令  
終顧脩德以自致亦造化之所鍾走也不佞獲交於  
公雖頭晦不敵而趣向畧同每興懷於契闊時接歡  
於乍逢假冀爵以繾綣弥日力而終焉孰知永別再  
見無從屬灵輅之發紉撫疇昔以熱中一觴當哀涕



泗橫縱尚事

祭吾侍郎母太夫人江氏文

惟母出自右閥幼聞閭儀為婦以順為母以慈三族  
之間視為文師諸子並秀叔也特奇發身黃甲榮冠  
一時亟由郎署陟于台司文學行義獨邁等夷恩  
封所被屈指可期胡不以待查忽棄違訃至踊躄  
衽星馳朝昇輿典湛恩下無人條赴言興莫交  
貽崇終隱卒存沒赫撫某等忝居里閭風仰懿徽九  
原永隔南望增悲遙致一編寔哀以辭尚事

祭亡友諸城令持敬文

曰嗟々持敬天界尔實亦既孔良蚤年穎脫力學好  
脩超乎輩行惇孝友之行明取舍之義而又輝然富

予文章如九苞鳳雛正當鳴太平之盛依梧桐而向  
朝陽一膺薦書出宰劇邑亦欲少試其平日抱負之所  
長不軒不輕一弛一張雖盤根錯節之屢遇亦何損  
其發矟之刃鋒蓋其智足以服人才足以幹事而寡  
欲庶可以用剛方將盡効瘁以奉職使社恒怯而鋤  
悍強胡天不相之俾中道而沮傷一蹶不起毅然長  
去視生死如電光豈以刻木畫地逝將不受而自用  
之決卽由逆戔倒植絨啗幽薈飲恨于九京於乎死  
生人所不免禍福相為倚伏惟無愧于心即安順而  
履常若夫邑有遺愛民有去思而朋友又有公論則  
雖死其猶不亡載牲于俎崇酒于觴魂兮來歸返乎  
故鄉寫哀以辭涕泗霑裳尚享

竟非齋文集卷之二十八終

新齋文集附錄

故奉議大夫衛府左長史金君墓誌銘

光祿大夫柱國少師兵部尚書兼

華蓋殿大學士國史總裁同知

經筵事廬陵楊士奇撰

奉政大夫脩政庶尹吏部郎中兼翰林待

書廣平程南璫書

資德大夫正治上卿禮部尚書昆陵胡濙

篆

太宗文皇帝臨御之初三擢諸生金寔首上書陳王

道其綱有二曰君德曰民政君德之目五躬行

仁義虛已納諫明察善斷審於用入恭儉節用

民政之目五厚風化尚廉取省刑罰薄賦就愛  
民力皆嘉納之復試策二道條對稱

有命於文淵閣光祿日給食與備

太祖皇帝實錄書奏除翰林典籍授迪功佐郎賜白  
金文綺備永樂大典陞備職佐郎

仁宗皇帝在春宮初開經筵選翰林春坊之明經術  
者更番入講金君與焉本諸實理敷說詳明裨  
益蓋多陞左春坊司立郎授承務郎每進論治  
道必正引經傳多見采納屢承恩寵之褒兼任  
稽古憲述之事陞儒林郎奉

命授衛上經洪熙中陞衛所左長史是時

上篤意諸子學問簡官臣十數人為之輔其文學之

美操存之正金君之賢也金君既感

上恩遇又重衛王純厚喜學於解新經史開諭義理  
淳、盡誠至於王之服食起居慶率進善言不  
欣然從之而敬禮愈厚凡王府政務不問大小  
一總於長史金君從容裁處條理井井而必歸  
於厚自僚屬下至軍校咸服其德王有疾醫藥  
久不效金君憂形於色王薨金君傷其賢弗壽  
也哭之過慟以是鬱抑致疾王既葬將引老疾  
奏乞致仕會有

台命同考禮部會試竣事學士故相知者議欲奏  
留之翰林而君先得請休致矣未行疾益加竟  
卒正統四年五月二十日也金氏世為博州人

儒家曾祖振之祖伯圖考德厚受無中贈表議  
大夫衛府左長史妣蘇氏贈宜人金君字用誠  
其諱寔也自幼穎敏強記問為從父博士王鉉  
所期望選充文學弟子貞從學於鄉先生何原  
錦張一民兩先生覽所習業尤重之獎勵至  
數年縣令夏景高敦勸上京師既入翰林聲譽  
日動輦轂下而公退閉戶書帙自娛非公事不  
見達官志嘗以私干人內方直而外恭遜雖心  
疾憊發未嘗出口小人有不悅之極力擠之者  
受而不較平居隆孝友之行處宗戚鄉黨惇然  
遇其有過亦必規之於正凡所交處有急必周  
之有死於客外或殯或歸其襯咸致力焉尚澹

素非相諱不采服為文章豐暇雅則有文集若  
干卷雖老其進學日有程不閒博究經史旁通  
陰陽星曆醫藥之書至佛老之說亦辨其所指  
於吾儒者指示米學晚究其齋居日覺非以自  
蔽不安於人往還知己者過之觴詠娛樂竟日  
忘倦將屬續御大夫有問之者曰死生晝夜常  
理寔無所遺恨惟諸公勉自愛為生民福耳語  
不他及蓋春秋六十有九配汪氏封宜入子男  
三孟繼仲統鄉貢士季統女二孫男十二棧義  
養蒙俊童近思克己弘訓蒙賢臨博無載允濟  
諱霖其女二統侍父北京十數年父病而卒也  
統旦暮左右今將奉歸葬于鄉焉子為銘余



與金君嘗同僚翰林素訪相知也義不可辭銘

曰

粵漢西京 巨師軒舒 陳策佐藩 長沙江都

天之生賢 何世則無 特獎金君 匪今通儒

始登承明 終輔建武 賈木重正 用恒厥績

更懸

四朝請老休逸

帝命既俞 遷虞子美 君子之亡 死世所嗟

儒苑煥輝 文林辭華 姑蘇之墟 丘墳峨峨

登潛匪後 匪斯文耶

挽詩序

衛府長史三備金先生以正統四年五月二十日

卒于北京之里第朝之縉紳大夫士既弔哭之  
至形之於歌詩以挽之其子統嘗哀輯成帙將  
以附之於家乘仍請予序之嗚呼先生子鄉先  
達也性疏爽才行超卓當永樂初以敷陳王道  
應

詔廷對二策其所以鋪張王道者殊至

太宗文皇帝甚嘉納之即授以翰林典籍脩  
高廟實錄暨脩永樂大典為講官於

東宮尋陞左春坊左司直即授

誥王經未幾陞左長史先生自是年漸高學愈富  
而日以考圖史通古今為務暇則寄興於杯酒  
間休然則未嘗以切名利達為較至以文章

擅名一時致求之者戶外之屨無虛日先生亦  
不辭乃樂為之以肆志於其間雖新寒暑雨不  
少輟也與人交無町畦一時縉紳君子多樂與  
之游然雅不屑權貴人或謂其自視太高先生  
則曰吾儒者當如爾也人亦不以為簡予辱先  
生知者廿餘年情好之篤始終猶一日以先生  
之得於予則先生之得於人也可知矣今先生  
生已矣而念先生之才之學不忘者至形之於  
詩也夫豈歟乎哉而或者又謂以先生之才知  
而其學又如此使得置之於大有為之間其設  
施必有異於人者惜其卒止於此豈非其命也  
夫此哀之三詩又不容於不作也雖然君子疾

歿世而名不稱以諸作者觀之則先生之譽已  
彰於人已知復有子如先生勤學好問以嘉  
世其家至哀輯是詩以圖親於不朽是則先生  
又可謂之不死矣詩凡若干首予姑序之於其  
端云

正統四年八月初吉嘉議大夫行在吏部左侍郎蕭山魏驥書

詩

忽聞衡嶽一峯摧此日悲風動地來士論久推韓子  
學王門空惜賈生才仙魂杳杳終天別旅櫬迢迢滿  
里回應是桐江埋玉處虹光夜燭泉臺

王道敷陳獨占科方名千載耿難磨校書天祿功尤  
著司直春宮蹟更多善輔藩維稱賈誼能制繁案  
羨廉頗翩翩升旆江東去愁聽三衢薤露歌

昆陵胡漢

舊傳聲價重當與遭遇

清朝荷羨除褒貶盡通胡氏學治安曾上賈生書玉  
堂金馬常簪筆

儲禁王門抱曳裾今日却為千古別可堪長夜閉玄

廬

右

早歲相逢若燕鴻老來方幸與君同絀書秘閣知能  
事校藝春闈見至公遼海鶴飛天杳杳鄉山猿斷月  
朦朧傷心徒有招魂些悵望寒雲思不窮

泰和王直

天外悲風慘淡來  
故人不見重堪哀  
仲舒老作江都相  
李白空餘翰苑才  
流水悠悠春去遠  
遙山漠漠鶴飛回  
愁看舊日行吟處  
猶有梅花帶雪開

臨川王英

襦之山兮南時衢之江  
兮東注峯峩兮莫歸波沉  
兮渺難渡美人去兮何方  
鬱子思兮延所欲往採  
兮芳蘭又欲攬兮蘅杜薦  
羞兮有觴陳此詞兮寓哀  
素揚千古兮脩名仰高山  
兮景慕

嚴郡洪璣

早歲橫經講石渠  
王門白首曳長裾  
傳家義有春秋學  
遺業猶存漢魏書  
文章徒自惜  
政老勳業竟

成虛青山埋玉傷心處過客多應泣下車

吉水尹鳳岐

敷治有坦途就疏進以陳豈徒資祿養亦欲澤疲民  
達哉

聖天子垂覽嘉其人令掌中秘書尋擢東朝臣王  
門復設醴恩眷荷殊新威鳳鳴朝陽德星照秋旻  
未遂休老志已沒宦游身祖送國南門洒然淚沾巾

右一

蘭旌爽且羅餘香留故澤昭々亡大夫在世有遺德  
高詞薄雲漢雅操逾冰檠一違人竟去竟失儒林色  
迄今後來士攬涕窺陳迹風悲兩浙秋月暝三衢夕  
庭階淒以涼愛思浩無極誰謂蔡中郎無從附書籍

安成劉球

獻策明光膽氣雄  
少年聲譽冠群公

四朝人物儀刑在  
兩漢文章製作工  
侍講

青宮膺寵耀  
淺裾梁苑仰高風  
一朝跨鶴遊蓬島  
楚些歌殘淚滿脣

天台李茂弘

經世才華衆所欽  
三朝侍從沐

恩深聲光久  
仲連成璧詞賦爭  
誇擲地金大夢一朝  
成永訣斯文千古共  
傷心不堪旅櫬歸  
門道落日西風淚  
滿襟

三山洪英

先生三衢秀學問  
窮天人夙昔捧函  
軒王道來敷陳



文皇得驚喜得此觀國賓擢典詞林籍建講東華

春保汪忠直怡布經綸

仁廟文知久衛藩匡輔頌名播海宇詞翰傳縉

紳藻鑑與長朗玉樓台方新士林忽憔悴失此席上

珍予懷常景慕間計增悲幸此歌不戒闕聊以招魂

神

安成吳節

太末佳山水先生秀所鍾策陳

冊陛下官列玉堂中學術何其富詞源浩莫窮薦紳

徒念仲無復觀儀容

右一

廿載王門相才高海內誇摘文韓吏部奏疏賈長沙

是去丹心在官清兩華如何遽淪謝髦俊其傷嗟

右二

碩乎懷經濟蹉跎久矣施棟閣方秉鑑薤露忽興悲  
竟作游仙去誰云稅駕遲傷心故園前好宴老東籬

右三

官路大夫爵壽又古辭年宇宙如公幾文章後必傳  
西風歸落鰓夜月慘哀猿瞑目應無憾承家子更賢

右四

忝是雲旂咸忘年辱誨頻紙墨舊內何處得斯人  
琴冷空齋月花愁別墅春都門送冊旌涕洟滿衣巾

餘姚陳贊

哀辭有引

嗚呼先生壽乎于一周又九載筭非不遐以  
經濟之才備職

皇敵範模

藩邸道非不尊階進五品秩登大夫祿非不  
多群行卓之為當代宗儒推許幾非不隆短  
草六篇鏤夏金石流布堪輿為人楷式才非  
不充子孫繩藝馥桂奕蘭接武聯行慶非不  
綿奄然長逝在先生宜無憾而余致浹含辛  
鑄詞以泄其哀者一則慨先生積者豐而施  
者廣一則慨後進失所歸依仰倣也其辭曰  
惟先生之脩能守逮天脫其繁囂匪義略而弗由兮  
惟仁宅之是倣咀詞林之英華兮冰學海之津涯

靜存而動察兮矢顛沛而弗違恒循規而蹈矩兮胡  
今是而昨非寧獨厥德之永嘉兮昌厥詞之彪炳也  
詩駿淮乎黃初兮並曹劉而馳騁也文方駕乎潮州  
兮得太史之要領也麗象緯於璇穹兮懸寒芒之光  
耿也決大河於崑崙兮屹波濤之洶湧也排青雲而  
上翔兮躡蓬嶽之天風陳王道之十事兮披補衮之  
淵衷開

天顏之靈映兮沐雨露之恩濃典奎文於紫閣兮侍  
仁廟於青宮既遠猷之辰告兮復嘉謨之日獻錫  
上樽於玉尊兮賜錦袍於金殿成七葉之報章兮  
荷三接之異眷俾授經於賢藩兮肩賈董而後先  
惟先生之峻潔兮聯白鵲而高翔集春蘭而為佩兮

囊秋菊而為糧約辛夷而為幄兮疏紫芝而為房輿  
比斗而斟酌兮運南箕而簸揚超無為而獨立兮與  
太初而徜徉諱曰激江湛兮兮楓葉蘋雲山蒼兮兮  
點畫屏帳九原兮不作增余涕兮雙零

正統己未八月望進士奉議大夫

越府左長史後學宋拯拜述

佇玄區以遊覽兮紛萬慮之錯繁鬱忤兮而林陽兮  
感暹微之罔停波亦兮而東漢兮日暖兮以西傾觀  
陽葩之丰茸兮倏露葉之凋零時靡兮以就逝兮老  
舟兮其相仍惟高朗以令終兮則雖沒而猶生學若  
先生之挺卓兮儲光歲之粹精賦姱質於自然兮意  
任情而瀾真容都曼其軌凝兮匪其降即長庚曠至

泉之華滋兮滄瀨氣之醲英次睿聖之高躋兮恒省  
察以自兢溯洙泗之源委兮履瀕洛之關稿當階星  
之炳耀兮值耳嘉之文明翦脩翰以騫舉兮逞琅玕  
於帝庭歷肝膽以輸忠兮集堯舜其君民倚  
恩眷之隆厚兮列銜署於儒紳登玉堂而陟春宮  
兮日嘉謨之恪陳承鸞誥之褒錫兮貤封榮溢於  
雙親爰超秩於藩輔兮曳長裾於王門獲優遇以  
容與兮復專精於討論理無幽而不燭兮思益遠而  
懿醇何前席之久稽兮位不足以展其經綸聚精  
魄於篇翰兮盡光軋摩乎乾坤疊論議以植鳥化兮  
庸濬發而宗欲假史漢為陶冶兮拉班馬而駕玄衡  
集諸子五波瀾兮合符券於韓杜歐曾雄吞江海之浩

壯兮陵山阜之崢嶸媚映雲漢之昭回兮  
蕭若穎之敷紫方溫款而柔競兮協鳳鸞之  
和鳴忽陰晦而激昂兮儼雷霆之震驚鑑  
宮商諧律呂兮奏韶護於太清呈五花排  
八陣兮統戈甲於霄征陋彼蟬鳴之聒聒  
聒兮一掃蜂鳴之薨、神變化而無窮兮功  
禪佑於六經維勲業未已其施設兮而著  
述有以黼黻乎泰平振芳猷於弟叔兮綴  
載籍之足徵矧乎行誼之高古兮夫豈獨  
擅乎文名廣交游於四海兮藉忠告之庭  
規懲娼孝競於存歿兮為友愛於弟兄嚴  
義方之庭訓兮森蘭桂之芳馨急義不吝  
於所施兮囊囊遺恤其無盈輕勢利而安  
乎靜兮不炎附以爲營德休即而咀含蓋  
崇兮靡允然以自矜身歷仕於

四朝兮幾稀有而康寧謂仁壽之可必兮諒爵祿之  
久膺適引年之上請兮俄夢奠於兩楹抑斯文之寡  
佐兮亦天道之無憑嗟予生之晚進兮幸多疵於儀  
刑不顯蒙之見鄙兮辱許與之過誠屢杖履以游從  
兮託詩酒以品評念期待之諄至兮深愧負茲無成  
聆警效茲不可得兮徒涕泗之交零憶垂沒之遺言  
兮重有以感愴乎予情悲逝者之不可回兮邈高風  
于千古萬齡噫今夕之何夕兮斗轉河橫中見芒之  
耀燁兮詎非先生英靈之上形也

祭文

維正統年月日少保禮部尚書兼武英殿大學士  
楊溥謹以牲醴之奠致祭于亡友用誠長史公之靈



日嗚呼用誠以其問學致之於行隨所寓而怡然也  
發為文章自成一家不蹈襲乎陳言也宜居錦閣職  
論思而卒死於王門感

先朝之知遇託愛子於仁賢也予與用誠同居翰林  
同為官僚及今幾四十年也離合險夷不忘乎道誼  
久而益堅也方以王之逝請復用誠於  
朝胡為乎漉然朝露之先也千古一觴用誠其有知  
乎庶鑒予心之慳也尚享

維正統年月日友生行在吏部左侍郎魏驥右侍郎  
洪璵以肴羞果蔬之儀致祭于故長史金先生之靈  
曰嗚呼先生行足以勵俗文足以矜世負此文行遭  
逢聖主既歷詞林復為王傳三十載餘蔚乎清

譽先生抱疾驟等數視勉為蒼生臨別之語蒼天蒼  
天喪此哲士凡我斯文孰不興喟惟高衢山惟清衢  
水先生歸哉薦此有醑千古永訣情曷能已哭以此  
辭靈其歆只尚享

維正統年月日行在兵部左侍郎鄭辰謹以清酌庶  
羞之奠致祭于故 衛府左長史金公之靈曰惟公  
吾鄉先達 昭代偉人踐履坦々德容申々有雄其  
才賈董是倫登克際遇三策以陳典職右渠載筆  
金門追相 藩府屢沐 寵恩政宜壽考丕闡經綸  
胡期一疾奄棄朝紳金谿之山巋然新墳旅櫬言歸  
豈勝愴神式奠矢詞清淚沾巾尚享

維正統四年月日行在通政使司右通政張隆等致

祭于 衛府左長史先生金公之柩曰嗚呼先生抱  
經濟之材蘊明誠之學其發為文章翰詒崇鉉足以  
窮深而該博其見諸制行正大光明足以立端而取  
薄卓休譽於翰林功有裨於 睿覽省察則克制乎  
已私尊貴則幸脩乎天爵登登秩於 青宮資論思  
之激切迨超拜於 藩輔藉忠言之蹇諤位未至  
於鈞衡而名則重乎臺閣方 前席有召期陟履於  
崇高胡引年思逸遽逝於寒廓士苑驚惶儒林錯  
愕嗚呼人生有死乃埋之常先生留名字宙不隨  
沒遺德子孫益遠而昌 封誥褒錫奕葉有光銘  
昭揭永古不忘存仁之道正出處之義明一世之  
百世之長先生之歿可謂不亡輅車南還丹旌載揚

爰采淵嶺恪奠一觴尚享

維正統年月日 衢州府知府黃勝等謹以牲醴之

儀致祭于 衛府故長史金公之靈曰惟公力學春

秋為世通儒敷陳

帝範名動下車白首 名藩匡輔勤劬何期一疾竟

爾云殂歟經南還道經于衢一觴致奠哀此矧臆灵

其不昧歟享維岳嗚呼哀哉尚享

維正統年月日開化縣知縣徐蓮等謹以牲醴之儀

致祭于 衛府左長史金公之靈曰哀哉先生 國

之耆英發軔片泮揚于 王庭應事 四朝臺閣馳

名揔總仗義齊和鳳鳴清風藻思所動 聖明錫以

清爵 恩眷勤詒嗚呼先生斯文之宗溫恭朝野

人壽集時

勤厥職不驥不回致、為國嗚呼先生斯文之德想  
循矩守古人是友作之文章擬彼莊叟流承行雲金  
石不朽學者宗之仰如山斗嗚呼先生斯文之德想  
咏性清風韻尚古能巧春容各循其矩口吐烟霞  
驚風雨韻、青雲學者快觀嗚呼先生斯文之德想  
我先生風韻堂、懿行章、茲焉不祿士沐亭不悲  
傷青山白雲魂歸故里敬奠生芻靈其享只馮亭  
維正統四年月日開化縣儒學教諭徐昱友人拜讀  
徐曠等謹以牲醴之奠致祭于故奉議大夫 尚府  
左長史金先生之靈曰先生蘊經濟之才而位不加  
乎德先生負剛大之氣而德則過乎位作為文章聲  
齊嚴肅如孫吳用兵號令嚴明嚙枚疾馳風行草擬

而不動夫聲氣不<sub>出</sub>於<sub>口</sub>而人之陳言卓然成家<sub>者</sub>不<sub>出</sub>於人之所難而先生獨得乎天之良貴也當

仁皇用先生於思善之門將有私文閣學士之除處  
遭鼎湖之變而人皆惜先生才之不得乎際遇今<sub>在</sub>  
議欲除先生太常偏燕翰林學士之職而先生坎<sub>折</sub>  
終身久淹焉而長逝與自<sub>在</sub>官樂閑張有才無命之  
美而士林獨為先生嘔吁而流涕也耶靈柩北歸拜  
先生之德敬先生之文慕先生之義清醑牲牷奔馳  
來祭先生連人大觀識生死之關念故舊之情<sub>要</sub>  
隆駕<sub>臨</sub>謁<sub>謁</sub>庶來<sub>而</sub>來<sub>而</sub>蒞也耶尚享

學非齋文集後序

學問之道有諸中行之則為事業言之則成文章然事業止於一時文章可傳千古其所以然者必有以發明乎道德仁義之蘊而於世教有關焉若司馬班楊韓柳歐蘇之文之可傳者幾不數人耳豈易言哉三禱覺非金先生自少穎敏學之務學凡聖經賢傳諸書無不搜抉無隱下筆為文動中矩度

闕獻策稱

昔累官禁林益研窮今古大效  
歌頌皆足以宣揚

聖德潤飾太平而述志寫懷一時應人之  
所需者亦未嘗爲作君子謂其情媚如  
春華滿鉢五采絢爛香氣襲大明麗如  
玉佩瓊瑤表裏煥瑩其聲清越真雅如  
宣和古畫丹青剝落而筆意猶存時出  
險怪如水湧山出風雨雷霆交作而龍  
蛇從而變化也興之賦騷學道德仁義  
顯之者足以勸足以戒誠可與數子之



文並傳也歟吾松學士錢公先生之門  
生也而瑜又出乎錢公之門及瑜守衢  
為先生故鄉錢公因以先生遺稿一帙  
俾刊行於世於乎前脩既遠景行無從  
敢不捐俸入之餘以成其美乎雖然先  
生既不得大位以盡施其經綸之術又  
不克代為

制誥誓命以恢廓王度以浚而其粲然  
不可掩者將與三光五岳之氣流行乎  
天地之間而不泯奚繫乎刊與不刊哉

工畢姑書其末以俟知言云

賜進士中順大夫知  
衢州府事海上唐瑜書